



CHEMA PAZ GAGO

CORUÑA
marabilla

**UNHA CORUÑA
AMABLE, SOSTIBLE
E SAUDABLE**



Vota

**Alternativa
dos Veciños**

CORUÑA marabilla

Este folleto é un resumo do programa. Neste qr tes máis propostas para A Coruña



A Coruña debe cambiar de rumbo, cunha perspectiva innovadora e distinta á que puxeron en práctica os partidos políticos tradicionais.

Un coruñesismo contemporáneo

O ideario de Alternativa dos Veciños é o **Municipalismo**: realizar unha xestión eficaz e eficiente como A Coruña merece e necesita con urxencia, tal como vimos facendo noutros Concellos gobernados desde hai anos por Alternativa.

Xunto a un **Coruñesismo aberto e ben entendido**, defendemos valores como a **ecoloxía**, o **feminismo**, a **integración** ou a **inclusión**.

A defensa do medioambiente é central no noso programa e, de feito, somos o **único partido Verde** que se presenta ás eleccións municipais 2023.



Espazos de calidade

Os barrios deben deixar de ser guetos-dormitorio para converterse en lugares de convivencia, con equipamentos adecuados, un mobiliario urbano eficiente, funcional e esteticamente, e uns accesos cómodos que facilitarán a reactivación da actividade comercial.

Mellorar a seguridade

Reforzaremos a seguridade con policía de barrio e políticas preventivas da delincuencia.

Comprometémonos reforzar os medios da Policía Local, actualizando as plantillas e mellorando o equipamento policial para afrontar os desafíos de seguridade cidadá e, particularmente, a lacra da violencia de xénero.

Por uns servizos avanzados de hixiene urbana, limpeza viaria, mantementos de parques, xardíns, convertendo rúas e prazas en espazos públicos dos que sentirnos orgullosos.

Os nosos barrios.

Calidade residencial e vivenda

A seguridade cidadá é outra das necesidades urxentes de barrios como Os Mallos - Sagrada Familia ou Montealto fronte a fenómenos como os narcopisos, a delincuencia ou as mafias de okupas. Para familias realmente necesitadas, temos que buscar solucións habitacionais de baixo custo.

En barrios céntricos como o Orzán ou Pescadería, debe solucionarse tamén o problema de ruídos e malestar xerados pola movida nocturna.

Coidar os lugares nos que vivimos

É urxente mellorar a conexión entre os barrios exteriores e os centrais e as saídas da cidade. Ademais, é necesario reivindicar a memoria de cada un deles para fundamentar a súa progresiva transformación en espazos de alta calidade social e ambiental.



A comarca da Coruña necesítanos a todas e todos, vivamos onde vivamos. Alternativa dos Veciños sempre foi por diante na aposta comarcal. Xuntos podemos máis.

Fronte a un núcleo urbano de 245.000 habitantes, unha área metropolitana de medio millón traerá grandes beneficios tanto aos concellos metropolitanos como á súa capital natural, A Coruña.

É urxente a creación dunha Autoridade Única do Transporte Metropolitano da Coruña, solicitada polos concellos implicados, que planifique e xestione a mobilidade na área coruñesa.



Somos potencia.

Novas infraestruturas

Compartir servizos públicos como o transporte ou o tratamento de lixo e residuos, deseñar políticas comúns de mobilidade e accesibilidade ou captar fondos nacionais e europeos son outras vantaxes da constitución da Gran Área metropolitana coruñesa que Alternativa dos Veciños vén demandando desde hai décadas.



Máis actividade económica

Necesitamos reindustrializar a cidade, tratando de captar industrias non contaminantes, start ups e compañías punteiras no ámbito da tecnoloxía, e defender e potenciar o tecido industrial existente.

Organizarnos mellor

Todo o apoio institucional ao xa forte posicionamento téxtil, agroalimentario e tecnolóxico para posicionar a cidade a nivel mundial.

As persoas, sempre por diante

Coma sempre, A Coruña debe ser unha cidade acolledora, na que se integren todos os cidadáns con igualdade de dereitos e deberes, independentemente da súa idade, raza, opción sexual, relixión ou orixe. Todos debemos gozar duns programas sociais avanzados. Unha cidade multicultural capaz de integrar ás persoas emigrantes en plenas condicións de igualdade.



Somos persoas.

Coruña, cidade coidadora

Un completo plan de apoio á terceira idade, á dependencia e á xuventude, con especial atención ao benestar mental e emocional, así como ás necesidades materiais máis básicas das persoas, tanto con fórmulas preventivas como na atención ao risco de exclusión social.

Máis e mellores empregos

Todas e todos temos que comprometernos en mellorar as condicións do emprego. Un amplo abano de medidas como mellorar o **asesoramento** sobre emprego, novas **políticas activas** con obradoiros, etc, potenciar o **comercio local**, a hostalaría e o turismo

Vivir mellor

Campañas de sensibilización e prevención en patoloxías de alta prevalencia (cancro, demencias, enfermidades cardiovasculares, etc..), fomentando hábitos saudables como factor preventivo.

O benestar animal

Atencións específicas para os máis de 25.000 animais de compañía censados a través das entidades de defensa animal.

Unha completa acción de defensa e protección para esta cidadanía tan importante en sí mesma e para a vida de moitísimas persoas.





A cultura, o deporte, a vida

Un estilo de vida saudable e amable que queremos para toda a cidadanía. Toda a actividade artística, cultural e deportiva terá o seu reflexo nos Centros Cívicos, nos polideportivos e nas bibliotecas dos diferentes barrios, que serán potenciados como auténticos foros de convivencia e vida activa.

Somos acción.

Crear e impulsar

É inexplicable que non exista na actualidade unha Concellería de Cultura, síntoma do desinterese do actual Goberno municipal.

Propoñemos impulsar A Coruña, Cidade da Cultura, a Música e o Cinema, e A Coruña, Cidade da Moda e o Deseño, programas para gañar vitalidade e proxección cultural.

Fomentar o turismo cultural

Desestacionalizar a oferta turística creando riqueza apoiada en grandes eventos deportivos, festivais e certames sobre cinema, músicas, ópera, artes escénicas, ou creación literaria, ao tempo que se enche a cidade de impulso cultural diverso e atractivo para toda a cidadanía.

Intelixencia artificial e moda

Ser a capital da moda sostible e solidaria e procurar sinerxias entre os museos científicos, a Universidade da Coruña e as novas actividades derivadas da AESIA en torno aos mundos dixitais e novos media.

Peonalizacións con sentidoño

O proceso de peonalización de boa parte da cidade é imparabile, pero debe facerse sen precipitacións electoralistas, cunha **visión integral**, con criterio estético e racionalidade, evitando o illamento das persoas maiores ou con problemas de mobilidade e impedindo a ruína do comercio local e a hostalería.

Unha mobilidade de hoxendía

As avenidas e rúas deben converterse grandes bulevares con sendas peonís verdes, arboledo autóctono, amplas beirarrúas, pavimentos de altas capacidades drenantes e espazos para o descanso.

O Porto

A integración do Porto no tecido urbano é unha oportunidade histórica para abrir a cidade ao mar e gañar un espazo público de calidade para o benestar da cidadanía.

Evitando operacións especulativas, os peiraos de Bateria e Calvo Sotelo deben ser destinados a equipamentos culturais de referencia, reconvertindo instalacións portuarias, como xa se fixo desde a iniciativa privada.

A posta en marcha dun aparcadoiro disuasorio gratuito, con lanzadeiras cara ao centro e cara aos barrios, permitirá reactivar a actividade comercial e turística da cidade.

Fachada interior da ría

A Coruña merece un CHUAC de nova planta, de última xeración, e non un novo parcheo dun edificio vello e colapsado. Os terreos exteriores á Fábrica de Armas son moito máis axeitados para a súa ubicación.

É urxente a rexeneración da franxa costeira desde Oza ata a Ponte da Pasaxe, hoxe moi deteriorada.

Promoveremos a construción dun paseo marítimo ben integrado na paisaxe, con senda peonil verde e carril bici, que conectaría coas que se habilitarán na ampliación da Pasaxe.

Transporte marítimo

Recuperar a conexión marítima entre a cidade, Santa Cristina e Santa Cruz con barcos de cero emisións.





1. José María Paz Gago
2. Ana Belén Díaz Cortés
3. Héctor Julio Prego Naya
4. Bárbara Oliva Cadavieco
5. Agustín Santiago Concheiro Riande
6. María Eva Cañellas Fernández
7. Alioune Badara Sow Niang
8. María Esther Rey Oliveira
9. Álvaro Lago Romón
10. Lidya Suárez Barreiro
11. Óscar Coira Prego
12. Gema Castro Andrade

13. Eros Alejandro Riveiro Soutiño
14. Marta López Lago
15. Xosé Manuel Ucha Gómez
16. María Rosa Suárez Ageitos
17. Sergio Francisco Mosquera
18. Covadonga Fernández Herrera
19. Carlos Moreno Sánchez
20. Julia Lema Barreira
21. Daniel Vázquez Paredes
22. María del Carmen Vidal Rodríguez

23. Javier Rivas Capelán
24. María de los Milagros Vázquez Iglesias
25. Omar Prego Martínez
26. Brais Franqueira Vázquez
27. María Paloma Díaz-Castroverde Benavente

Suplentes

28. Blanca Lesta Castelo
29. Jorge Pablo Fernández Lesta

CORUÑA
marabilla



Vota

**Alternativa
dos Veciños**